

Aur la mostra scientifica

Te Sorastanza de la Scola Ladina de Fascia l'è stat endrezà na neva esposizion con jeghes e cunsc su la sezion aurea. L'inaugurazion é en jebia ai 16 de mèrz da les 17:00

I studenc de la III LSA del Liceo scientific de la Scola de Fascia é vertesc per orir na neva mostra scientifica. L'à inom «A la enrescida del aureo» e sarà protagonista belapontin la sezion aurea, l'numer divin che à fascinà inteletuai e artisc de dut l'mond. La mostra vegnarà orida te Sorastanza de la Scola Ladina en ocajon del Pi Greco day, la giornèda internazionèla de la matematica e la metarà dant curio-

sitèdes, jeghes e cunsc sui temes leé al valor numerich che se pel troèr te operes d'èrt de ogne temp desche per ejempie ence tel logo del pom zacà che l'è sun nesc pc e fonins, ma ence te n' muie de setores scientifics, da la geometria, a la biologia e l'astronomia.

L'percors espositif é stat ideà e realisà dai studenc de la classes III LSA del Liceo scientific e IV A del Liceo



L'logo de la mostra scientifica.

scientific 'Ulisse Dini' de Pisa: i studenc, tel chèder de na fradaa scientifica coordinèda dai professores Thomas Zulian de Fascia e Sabina Sarti de Pisa, à lurà da dalonc e i podarà se troèr per alestir la mostra dant te Fascia e dapò te tera toscana tel meis de oril.

L'projet de la mostra scientifica, ruà a sia 10^a edizion, l'è semper na ocajon de crescimonìa e de confront per i studenc touc ite, per madurèr

competenzenz te la projetazion, tel lurier de grop, te la prejentazion al publich, tel troèr la soluzion pratega ai problemes.

L'inaugurazion de la mostra é en jebia ai 16 de mèrz da les 17:00 te Sorastanza. Per prenotèr la vijites vidèdes se pel scriver a thomas.zulian@scuole.provincia.tn.it o chiamèr l 349 6491192. La mostra restarà fora fin ai 5 de oril.